

青芙蓉閣詩鈔

蓋聞符采協而篇章貴心物交而音律和游雲無
質繪繡兼麗大樂希聲衡鸞斯應八變九闋播之
風謠四始五際作爲雅頌迨後詩殿變聲騷矜霸
宋靡爲六代放乎三唐雖復闡鼉華羽亂費錦續
然猶芬芳悱惻低徊顧慕或以抒胃臆而託歌詠
或以發苑結而通諷諭由波溯源其揆一也夫登
高能賦意緒不窮溯風獨寫哀樂斯至和如笙磬
炳若丹青其逸也則雲霞卷舒其壯也則垠崖崩
豁擷孔翠之羽毛拔蛟龍之牙角春坼顛蘖霹開
幽蟄侔色揣稱造微達隱縱或異其體製繁其章

條要皆藻不妄抒作必有爲故憔悴婉篤無傷中
和長短高下胥本志氣非徒媒但示竒連狝駭俗
襞紙搖翰遽誇能事也嗟乎論倫無奪溫柔不愚
自非妙具淵材躬踐篤行其孰能臻斯懿乎若我
多石先生斯其人矣先生通籍金閨筮仕儀部清
冰瑞錦擅譽容臺承明石渠校書秘閣策避人之
驄馬駕夾轡之白鹿攬轡嚴道分符粵徼啟歷中
外環桓星歲德器醇深藝業該貫淑性淵濶高文
舒向琴瑟林帷鍾石壑畹蕭文行之誦典盥濯危
坐杜叔和之教授沈靜樂道含香漸越令譽日起

淹中稷下之藏魯壁汲冢之秘檢括參合紛綸蘊
蓄碩學淵富雅性都長戴憑詰難衆皆讓席匡鼎
說說人盡解頤目厭義藻口飽道潤中郎著論公
叔傾心太沖作賦士衡歛手出典大郡勤恤民隱
黎風雅雨民俗獷悍龍戶蜚入土性妖詭竇熒嶢
險梟音乍革溲溲汗鯨波猶沸先生勞徠流庸
亭毒凋劫散杜陵之衆斷盧循之艦應變察微剗
繁治劇而文舉下教先修庠序桓公習禮常集生
徒篇什所陳痼瘵在抱次山春陵之作樂天秦中
之吟發於性情不假彫飾其他摛屬備極精綺畢

牢圖史達畧興蓋鈞深弋冥瑩璞剝鈍軌轍無拘
押闔多變夏侯庭詒見孝弟之性子荆誅辭增伉
儷之重白華朱萼廣微補亡綺憲蕙質安仁哀逝
以至淵明之戒份儼庾亮之告儀媛莫不俯仰傷
懷纏綿盡致感實涕淚淒入心脾蓋其秉性醞粹
宅心夷曠故能掩有羣雅蔚爲正宗宏旨博議今
施古設麗句環辭左宜右有游神於溟滓之表挫
思於毫芒之內而卒造平澹歸於雅馴足以裨補
風猷扶翼禮教上追作者其殆庶幾某耳熟聲華
神合夢寐塗轍乖分蹤跡睽舛茲來關隴始得薜

若車輪蹄鐵銷其知慧蟲簡腐毫凋其容髮遲暮
而惜光輝羈窮而念儔侶秋蟲春鳥各言其傷敢
託心知不慙膚受悵年運之漸往幸術業之不殊
願同蘭石長保其堅芳竊比桂椒無差於臭味質
之几席有愧卮言金匱年弟楊芳燦序

青芙蓉閣詩鈔卷一

桐鄉 陸元鋌 三石

讀唐宋諸家詩八首

風雅始聖人心術爲之端不識忠孝字何取浮薄
言唐初繼六代敝極未變遷王楊及盧駱藻繪猶
相沿開寶稱極盛風會實使然高蹈如伯玉信足
開其先惜哉受命頌美新同譏焉廉恥道已喪其
餘何足觀張目誰助我沈宋詩同刪

杜陵老布衣許身比稷契其言大而夸殆爲憂憤
迫要其忠愛心耿耿不可沒常願甲兵休所期邦

國活七歌暨八哀字字肺腑出洵於倫紀間懇摯
無少缺青蓮曠世才飛行絕羈縻一聖與一仙趨
向要有別學仙尚虛無希聖務篤實舍實而蹈虛
無乃本先撥

昌黎繼孟氏六經爲文章養成浩然氣至大亦至
剛佛骨尚欲毀豈猶畏姦彊觀其折庭湊凜凜鬚
眉張韓愈大可惜猶未知忠腸餘事作詩歌雄鷺
不可當風雷出腕底天地相低昂苦吟若東野得
不走且僵大哉杜陵筆二曜同光芒

白傳長慶詩讀之使人悅若論道性情尚不失真

率矧當立朝時頗亦見風節微之通大閹構禍自
禁闥堂堂裴晉公亦復肆傾軋香山契最深曷不
正其失不然與絕交亦不傷隙末豈其元和體必
與共揚扇致令談詩家元白亦同列咄彼瓜上蠅
香山豈其匹

義山博奧才乃蒙詭薄議史家好深文無乃昧趨
避黨禍始牛李是非要有異令狐附太牢背之非
不義私恩變私讐亦非所意計其詩麗以則與杜
有神契雲雨託微詞時亦寓諷刺末流揚其波崑
體致滋弊是真獺祭魚豈識作者意試讀西郊詩

北征配何媿

宋承唐季衰捩摺自館職歐陽起振之一變尚氣
格四珣與八璉清廟器奕奕一篇廬山高自負未
爲極安石繼公起時亦稱巨擘奈何急功利國本
肆戕賊流毒至靖康厲階復誰責詩能感人心和
平爲正則執拗不近情風雅源已塞縱異放淫辭
毀之理亦得

詩須有爲作吾聞諸坡公斯語公自道遂爲羣隊
攻音文供羅織竄逐蠻荒東人方爲公惜公謂非
天窮無怨亦無怒得喪忘心胸要由學養久外賻

而中充宜其發爲詩如海無不容山谷死遷謫氣
節將無同詩雖脫蹊徑奚足爭豪雄竹垞亦有言
無取黃涪翁

論詩至南宋放翁實爲冠其源出杜陵忠憤雜悲
歎當其走梁益中原久喪亂殺賊刻不忘夢中與
鏖戰新亭泣無人北定何由見尚期家祭時得慰
平生願末學尚浮華但賞其詞翰豈知憂國心至
死耿不變紛紛尤蕭楊文苑恥同傳

姑蘇懷古二首

閭閻城闕故依然回首雄圖未足憐攘奪禍成三

讓後風流福占六朝先歡娛但恨無長夜生聚誰
知已十年越國霸才亦何在烟波輸與五湖船
王氣東南屬漢高狐鳴篝火尚爭豪百年國不安
錢俶五郡兵終殄隗囂大道朱樓焦土盡深秋黃
葉朔風號堦鄉留得諸姬冢殘碣模糊沒野蒿

千人石

逶迤陟陂陀清曠少巖洞大可布廣席高或構雲
棟誰具龍象力攬土爲此弄緬維竺道生說法醒
愚曹迦文演三乘梵夾闡十誦西來意如何膜拜
千人共自從競繁華遨遊集賓從於此爲歡場車

騎日使僊傳觴酒百回張樂簾四控數錢姹女工
向火乞兒閑纏綿羅綺情顛倒膏粱夢中人產已
傾剗肉未知痛雖云地勢然樂亦不可縱安能起
生公大力加磨礱菩提水一盂灑濯此塵霧澹留
舊荀香薄設伊蒲供卽此清淨緣足爲風教用儒
墨雖異流儉也吾從衆

題黃夫人寄升庵詩後

死不附璫辜堂堂撼禁垣此才皆欲殺國事況難
言遠道自悲鵬中朝誰舉幡空餘蘇蕙字和淚寄
哀猿

王文成公紀功碑

豹房夜半軍聲闐紫袍將軍方醉眠華容遷謫劉
謝去誰回落日光虞淵東南亂者始吳淠潢池倉
卒生烽烟針兒孽子意叵測況有蟻賊相鉤連爾
時六師早南下狙擊那更容生全攻所不備事乃
濟唯公卓鑒藏幾先英雄舉事貴畧迹卽論儒術
須行權義旗一舉諸郡合黃石磯下師徒旋捷書
計日達行在惜哉讒口來譏譏豈有亞夫反地下
幸免鄧艾收軍前精誠早蒙白日照角巾詎屑隨
枯禪此碑勒自入山後庚辰正月相磨鐫肝膽豁

露神鬼格文字鬱律蛟龍纏功無與讓不矜伐唯
天子聖銷戈鋌式昭皇靈靖邦國淋漓大筆森如
椽乃知真儒有大用不爾道學皆言詮如公勲業
足千古良知提唱何譏焉虬蟬撼樹亦可笑不見
豐碑屹峙蒼浪天

後園晚步

月出鳥猶語風來花不飛無人此行藥薄暮欲忘
歸遠樹依山靜閒雲出岫稀相看足幽趣自息漢
陰機

錢塘懷古四首

納土何嫌國不長當年曾此奠雄疆光寒鐵弩江
潮落夢破金牀越鳥亡石鏡有靈能創霸粉盤無
策足勤王似知入寇書難免不共河東去討梁
誰遣金牌促罷兵十年功竟廢垂成愍懷已聽劉
聰辱河朔何勞郭令爭正擬揮戈同落日忍看脫
幘壞長城墓門留得南枝在風雨宵來怒未平
出師志豈爲中原征調紛紛鬼哭煩幾見兵戈犁
絕塞徒聞節鉞假雄藩厲階誰使通慈福黨禍翻
教構慶元一自邊關函首去綺羅莫問舊南園
秋壑堂空草不青林慙澗愧此園亭滿頭假應流

離讖半日閒消蟋蟀經失計無端拘北使歸魂何
處問西泠可憐不及秦長脚死向君前涕淚零

重陽庵宋理宗酒甕

有酒不飲黃龍府破碎金甌復誰補留得醺雞甕
裏天桂子荷花醉歌舞孝宗之世國不驕再傳遂
及嘉熙朝羣姦柄國玩神器螭螭蠃爭雄豪醉
鄉歲月苦不久轉眼諸陵狐兔走傷心金盃出人
間此甕猶煩酒龍守封題無復紅泥鈴觸手尚訝
殘膏黏長星勸汝一杯酒想見歡宴吳山尖紅羊
劫後帝業盡穆陵醉魄仍酣寢可憐死剩月氏頭

猶逐妖髡長夜飲

西湖雜詠四首

滑笏波光影翠屏
宜晴宜雨畫船停
東風一夜花如錦
吹向龍沙草不青

清明節近雨踈踈
鞦洛諸陵記得無
湖上春來如畫裏
不須更進上河圖

酒氣花香夜宴餘
銷金鍋是好家居
紅油車子蒸羊味
未抵西湖宋嫂魚

樊樓燈火夜淒清
誰向荒城聽六更
剩有幽蘭老居士
夢殘猶憶舊東京

蘭亭弔王右軍

何宴作鬼幽嵇康亦授首放浪廢形骸修名復何
有流風甚典午清言扇朝右坐令喪神州天子下
殿走戢戢會稽史痛心實已久常恐老莊書唾餘
滿人口大聲斥虛誕防維意良厚豈惟諫北伐料
敵微夙負我來蘭渚亭肅拜薦樽酒曲水至今流
觴詠記誰某諒哉誓墓心感深千載後

鑑湖

百里湖光似鏡平樵風吹送片帆行魚遊空水映
鍼細艣入秋雲鴈語清蓬滴時聞知雨過釣竿閒

倚看潮生笠簷簑袂江鄉慣狂客還容訪四明

吼山

萬壑千巖勝概窮岡巒此更極玲瓏路穿石腹窺
天小壁瞰波心入地空細酌寒泉閒坐雨時聞落
葉不關風隱居欲訪陶宏景寂寞荒園夕照中

山有

明陶石
簑故居

夜宿山家

雲外見雞犬數家蒼翠間扁舟出深樹明月正前
山野處足真趣幽人多好顏一樽還共酌款款話

鄉關

蒿壩道中

兩崖插青冥白雲半空接牽舟進崖罅奔騰鳴溜
惡前行忽無路劈面削峒吸一折羣峯開嵐翠舵
尾入灘深岸愈高峭若壁怒立竹樹互蔽虧石氣
與俱溼冷風時一鳴先秋墮病葉推篷試招涼快
鼓雨餘楫何處嵎州城山腰露雉堞

嵎縣曉發

宿雨過前山林霽沐新碧客行不厭早迎晨理輕
策殘月耿孤光夜泉漱餘滴暄霧不溼衣濛濛林
氣白微聞深寺鍾清響度林隙老僧出汲水延客

少甜食

文丞相祠

白鴈聲中戰壘開，勤王志在亦堪哀。
忍聽窮海孤兒哭，誓挽虞淵落日頽。
碧血直教終古熱，黃冠何必故鄉回。
九原若問吳興老，博得官名是秀才。

堂外紀元主見子昂儀貌非常，密至閣中相之曰：秀才官。

小憩山寺

僧寺隔叢竹，到來山雨晴。
無人雲自入，相對暑俱清。
禿樹藤花上，陰潭石髮生。
微聞鐘磬響，前路夕陽明。

晚抵清溪

細路沿溪灣復灣
淅淅風靜薜蘿閒
飛泉瀾瀾忽如雨
落日荒荒何處山
幾點鴉歸流水外
無人碓響亂雲間
今宵準宿桑洲驛
天姥峯頭一夢還

百步嶺

惡溪名駭人聞者
氣先喪我幸無憚
心盤盤歷層嶂左
躡猿鳥蹤右闖蛟
龍藏百丈奔怒流
路出沸釜上壞道
亘長虹飛空勢飄
蕩插脚虛無根嶄
絕失依傍或云張
平叔嗒焉此閒放
世豈有神仙所取
心地曠丹飛明窺
塵了不受蔽障三
復悟真篇

靈跡渺難望

小石嶺

危崖矗高空飛雲攬之去天風忽吹開壁面陡無
路取徑犖确間怪石四森布老樹石上生客土不
敢附中有太古泉劣掬各奮怒少焉躡晴霓遠色
莽迴互赤城卽離間霞氣澹將暮異境誰能窮目
眩怯反顧所憑心坦夷危途亦安步

山中曉起

枕畔見山色夢回雲滿衣坐看殘月下時有曙禽
飛寒磬遞清響修林開曉霏漢陰灌園叟相對欲

忘機

述祖德詩二首

貧吏常苦富廉吏常樂貧初服旣云遂屢空多所
欣間糶米五斗日沽酒一樽諸孫不離膝愛極彌
諄諄讀書以明道大本宜先敦忠孝字不識萬卷
皆空文長跪承祖訓感涕生憂辛祖德豈不厚積
累在子孫期無替厥德慎勿輕此身

昔我嬰沈疴甲申歲秋九大父方飢驅駕言至虎
阜行李已戒塗登牀更執手丁寧慎眠食氣結猶
在口是時夜昏黑風雨裂窻牖所親送臨河婉言

慰白首經旬復書來曰予眷念久宿疾諒已平不知健飯否惻惻遲暮心嗟哉至今負

曉登望江樓

江流曉無際一氣蕩空烟樹隙漸生白人聲何處
船暗潮行地底朝爽逼窻前擬挹浮邱袂乘查傍
日邊

彭祖鼎歌

博古圖作寶藏空周秦非古窮黃農披荒鑿險聚
光怪今無其器追摹工此鼎傳是老籙物色相古
黝難爲容辛壬丁甲字缺齷雲氣恍惚隨飛龍聖

賢法物本不朽伴侶圖史功尤隆結繩以後易書
契信古誰實開羣蒙上追軒頡下姚姒傳述不廢
編摩功此鼎歸然列座右赤文綠字交瞳矐都梁
迷迭豈足貴古香自出琅函中我聞錢也在商季
爲賢大夫敦儒風雉羹進御說可笑彭城忽受堯
年封譙言遂復肆附會曰壽八百逾喬松亦如老
聃官柱史養拙本與常人同明明弔客有秦佚乃
云西去無還蹤世人貴耳而賤目好作荒怪欺盲
聾此鼎真贗亦莫辨要爲國器非凡庸裔孫得之
念祖德珍逾白璧兼黃琮方今文治追鎬豐園橋

觀聽來耆童請以此鼎歸辟雍長與黃鐘大呂垂
無窮

方正學故里

書種高前代忠魂下大荒斯人今未死故里此相
望在昔貽謀誤歸藩搆怨長釁非由博局憂竟在
蕭牆骨肉誠難處謨猷沉未臧遂令飛燕啄遺痛
內蛇亡白帽符佳讖緇衣作密裝徒聞悲望帝幾
見輔成王神器窺應久宗盟誓豈忘統翻虛冢嗣
國已慶重光瓜蔓誅鋤急衰纊涕泗滂繁難逃史
筆詔不奉朝章吼血攄英憤掀髯閃怒芒甘心攜

十族同日見高皇往事思台輔遺徽惜老蒼成仁
身已殞爲厲魄猶彊獵獵靈旗卷陰陰落照涼豐
碑承勗履遺廟肅烝嘗尚憶天潢變終嫌國本傷
龍潛方抱恨鶴化忍還鄉

梁昭明太子讀書處二首

白馬青絲釀禍深不聞伏闕矢哀音費他襦袴三
千領猶是而翁佞佛心

芙蓉小舫與招魂往日風流未足論不見七官亦
文士素衣夜出枇杷門

楓橋夜泊

蒼葦松桂林夕靄寺門深孤櫂泊江郭疎鐘清客
心暗潮隨月上遠岫帶烟沈倚枕寂無寐時聞啼
水禽

揚州雜詩四首

東南稱財藪揚一媿天府富國兼富民利源自斥
鹵如何富庶區漸爲風俗蠱良由競繁華厲階始
大賈理財讀何書鹽鐵論半部外疆而中乾病乃
中肺腑積漸非一朝剗肉苦難補太平生齒繁唐
魏何足數豈宜尚褊嗇要在知疾苦權衡豐嗇間
願以告守土

竹西盛歌吹長夜春漫漫爰有狎客流談笑生情
瀾球場與裙幄蠕蠕蝨其間納睛入人腹洞徹人
肺肝充此機械巧得不爲神姦惜爾富家兒離之
則不歡雜遘伺車騎爛漫分盤餐餘潤及家室妻
妾無羞顏誰爲中庭訕涕淚雙闌干

生女亦何悲悅兮設門右如何女子祥乃以爲利
囿教以識之無教以學組繡笙歌恐未嫻蒲博亦
宜究丁寧節飲食癡肥所共詬謂此千金軀如馬
利宜瘦洛陽賈人子面目作銅臭媒者爲通詞奇
貨一朝售分手卽天涯所親不復覩末俗溺女嬰

三才集賢卷之一
三
戕賊等禽獸如此陷孽海雖生毒愈厚三復桃夭
詩王風始婚媾

歐陽昔典郡蜀岡留遺風三過一彈指復有東坡
翁只今盛遊宴土木矜豪雄園亭數十處一例塗
青紅廣張絲竹月羅列金銀銅熏人酒肉氣未到
聞腥醲亦有噉名者文章稱鉅公招邀詠公讌冠
蓋何雍容風流竊自喜謂與前賢同從來名勝蹟
所重德與功景行貴實踐不在聲譽隆毋令二分
月照見塵俗胸

竹西亭弔杜牧之

銀燈珠箔夜深遊
歌吹聲中鎖鑰留
不有憐才牛
節度可能容易夢揚州

漂母祠

一飯婦人仁何闕
相士真至今餓夫淚猶灑
大江濱自是風塵感
能逾骨月親不須定知已
此誼足千春

晚過露筋祠

野火神祠驛路迎
風蒲獵獵晚寒生
一聲孤櫂唱歌去
明月欲來江水清

宿王家營有懷

明發征車始行勝此暫安河聲流夢斷月氣逼燈
寒遙憶官齋冷無眠夜漏殘驚心朔風厲應念客
衣單

鄒嶧山李斯碑歌

獵師相秦秦火烈六經燒盡微言絕當時若果作
神仙羣玉諸書亦灰滅伊昔嬴政東巡遊遠逾渤
海登之罘豐碑峩峩峙鄒嶧高文大字蟠蛟虬詞
曰臣斯謹勒石再拜請上帝功德烹滅強暴是何
言強暴何如虎狼國喙長三尺誰與爭尊今蔑古
欺愚氓敢將醜語肆狂膽無乃剛愎師荀卿西來

一炬天爲赭宮闕咸陽無片瓦輻輳遺骨飛作烟
安論東門牽犬者此碑矗立山峯幾鮑肆徒爾同
腥臊太平真君不拽倒雷火應亦爭摧燒臨摹點
畫徐騎省其先已有棗木本傳刻多肥久失真卽
使真存亦堪哂嗚呼亡秦覆轍千載悲一世二世
傳者誰無前偉績貴不伐封山勒石空爾爲不見
丹甌夢授螭扁法至今千搜萬索响嶠山尖碑

曉發荏平遇風

荏平卽荏山所喜路不窄朝暉照我衣趁暖理輕
策何來雲蓬蓬全涌自西北颼輪忽怒旋驚沙立

如壁土囊裂不收一噫混闔闔排空浩呼洵餘力
尚飛石失羣鳥尾逋衝凍馬毛磔瑟縮如眠蠶我
僕亦僵踣前村烟火微解鞍少憩息黃埃各滿面
聞聲始相識枯蘖拉雜燒土銼傍豚柵田家無兼
味飢寒易爲德載歌行路難停杯爲沾臆

悼亡八十韻

淒切復淒切清淚浥襟肘問何淚漣而閨中失嘉
偶君家世清貧負郭無膏畝辰年月在戌來歸作
我婦我父官儒官遠隔赤城阜初程問錢塘偕君
渡清澗言過曹娥江崇祠砌交卸亦有清風崖貞

珉勒蝌蚪篷窻與弔古一一薦芹茹間以列女傳
開中試評剖君亦時掀眉烏烏欲擊缶經旬抵官
衙阿母望已久歡顏語我父新婦得未有我弟聞
嫂來牽衣謂阿母阿兄寡交遊嫂來得良友多君
奉晨昏母姑而父舅君體瘠過我頗亦操井曰阿
母愛且憐不忍假以手我時馳文壇跳盪絕枷杻
弱手挽强弓敗北氣愈赳君曰數固窮於理則否
否失宜先自尤得亦戒毋苟榮名豈不貴躁進失
其守自君來我家雙雛得先後阿台與阿蘭一榻
互乳教貧家無珍玩泥車及瓦狗時聞弄兒聲嚶

嚶綠窻牖前年痘爲殃殤者棺以柳阿台時四齡
亦罹此災咎劓君心頭肉殉以血一斗復恐大父
母痛結不解紐苦心作甘言背面拭淚垢阿蘭甫
周晬漸亦識某某引兒笑投懷藉以慰白首去年
秋榜開太歲喜在酉襍被踏省門乞漿復得酒我
弟時議婚還家埽檐廝君亦奉母歸几榻相左右
賓朋日往來杯盤進醕醢君父秉齋翁老矣未逮
耆時來道家常深宵爲翦韭月餘忽分張言別一
何陡是時歲云暮大雪壓林藪冰稜觸行舟澤腹
爭擊掣水程更山程艱危苦紛糾暝投嶮州宿獐

飈怒蚘蟻祝融夜肆虐人鬼互騰躁君時蹈烈火
裂幃慘呼吼擲兒姁姆懷踰垣掖母走朝來覓蓋
篋焦原失門牡馳書達我父裙裾借隣蔀恩恩理
歸裝相見驚老醜時我迫計偕離愁埽無帚君方
孕六月力疾具乾糗別君詣京華逐隊萬魚鰕曝
鰓歎無程依然困習習言歸已五月對案色不悅
爲我作冷淘槐葉麪淨漉背生有嬌女白晳目光
黝阿蘭學塗鴉疥壁畫蹠屐此亦貧賤樂無命并
難受盛夏園有桃如瓜摘盈簍痛君食之甘腹疾
繼以嘔呻吟不三日命比絲一絳我父日求醫醫

來如矇眊我母急呼佛筵簞一再扣悠悠一縷魂
欲去復抖擻瞪目視孩嬰無淚但張口寸心攫未
能此意我豈負先是定婚初日者有錢叟我母竊
叩之曰恐非中壽譬如瓶中花雖佳亦速朽母云
是何言此女福良厚衆中屈指數女實先以拇命
書如汗牛祇足覆醬瓿豈意此叟言百中非誑誘
明年寒食前送君返靈輶一坏寄先塋青青蔽蓬
莠鹿門歸有時誰與共耕耦此恨記年年秋七月
廿九

金陵懷古和李雲植八首

龍盤虎踞好家居猶是江東定霸餘天意不歸張
掖馬帝鄉寧厭武昌魚諸軍北渡驚何速此座南
方設已虛莫笑生兒似豚犬紫髯遺業亦邱墟
金陵王氣未全收戮力何須效楚囚無奈將軍多
跋扈枉傳宰相亦風流厲階但咎王夷甫壯志誰
同祖豫州赤紙欣然書禪詔等爲亡國更貽羞
投袂勤王霸業成再傳同室忍相傾破巢剩有螟
蛉子先日誰驅螻蟻兵白髮老臣空隕涕黃襪保
母亦偷生惟餘効死袁開府裂眚光猶照石城
苑開芳樂鬱嵯峨快意屠門載酒過殿上衣冠人

鬼半禁中刀敕父兄多重看詔草探懷袖枉鑿蓮
花襯韞羅一例齊梁書勸進可憐家世盡蕭何
三十通侯得幾時又看白馬繫青絲原知狼子貪
能噬欲請熊蹯悔已遲一旅豈堪除外患七官況
復翦同枝菖蒲不比菩提樹歡喜難憑佛護持
結綺臨春複道通擘牋狎客此爭雄論詩差足追
宮體好色何曾解國風璧月照人猶夜夜雞臺入
夢更恩恩同心別有銷金盒蒙面徒勞學太公
寶珠終夜月爭華姊妹承恩似趙家天水但知收
碧盃江潮豈意縮黃花不容臥榻人同夢早作降

王罪亦加留得紅羅宮監在淚殘猶爲撥琵琶
天險猶存奈樂何留都風景等閒過反戈諸將爭
開第垂死孤臣喚渡河獄搆鶴鵠猶煽虐幕巢燕
雀尚徵歌襄樊不待三年破誤國還輸賈八哥

山中訪友

一笑抱琴去空山眠白雲我來訪蘿屋落葉正紛
紛野鶴跡常滿幽泉聲暗聞崦西田二頃與約共
耕耘

江梅圖爲吳上舍

鑽

題二首

一水澹無際數枝香欲來夫君發清興倚權白雲

隈遠岫雪初霽幾家扉正開偏提好沽酒篷底引
深杯

昔聞梅花衲結屋梅花林白鶴一聲遠風流何處
尋君家住梅里烟水到門深孤櫂有時訪悠然清
道心

海門禹鐘歌

昔傳五鐘始黃帝出榮將手難摹倣後來顓頊擅
制作浮金耀日光矚眙偉哉此鐘昔未載於鑠大
禹長垂銘重逾萬石異剽棧旁震八鄙爭撞衎旋
蟲躔跼鎖鈕壯猛簾碣磬砂斑青模糊不辨年月

目穿剝時有蝸蟻涎我生結習尤嗜古搜奇抉怪
心無寧海門近接赤城嶠金庭洞天高冥冥何年
神物此淪落位置妥帖重門扃以指畫肚歎不足
自慙墮力摧撞薶粵若稽古帝堯世茫茫下土哀
零丁禹敷九州宅四隩辛壬癸甲無稽停沐日浴
月光怪出疏波斬石容顏頰支祈夜徙走顙浪玉
女晝下扶輿駟平成早見大夏舞會計那免防風
刑爾時此鐘在何許或偕球石陳虞廷想當蒲牢
怒欲吼神姦一一潛妖形迄今九鼎幾遷廢此鐘
不與俱颺零恒河沙數至無筭流傳何止三千齡

曩聞神碑在岫嶠琅玕古石青熒熒又聞翰林古
鐘二元氣磅礴生寒廳誰能至寶並移置湯盤堯
鼎同儀型方今聲教恢禹服內靈八輔外四溟太
和一氣世曼壽廣樂九奏神傾聽西江編鐘色黜
黜于闐特磬聲泠泠須知

聖朝無棄物況乃明德留遺馨元音要使播華夏
大器豈合終林垆曷不高駝巨艦輦載登
天庭

曼倩辭

連尻結脚騁文辭玩世還餘磊落姿金馬門中賓

客盛無人敢諫賣珠兒

立冬後十日湖樓小集

叢竹蕭蕭欲暮時薄寒初中雪猶遲水邊門巷乘
船似橘後光陰與酒宜但有好懷俱勝日力求佳
句失眞詩忘機便已同鷗鳥多事紅衣學釣師

冷泉亭

忽動滄浪興悠然此濯纓自來爲性冷不獨在山
清谷鳥影俱絕秋琴時一鳴偶逢垂釣者相對亦
忘情

種菜

莫笑庾郎貧閒園別有春長鑣聊託命半畝足容
身澹泊明吾志艱難惜此民不須勞地主菜把送
清晨

沈隱侯祠

誰題祠額筆如椽一字誅猶衆口傳腰瘦可因謀
國瘁舌存還想乞天憐頻煩禪詔畱遺草苦爲餘
桃懺夙緣何事後來邢阿吉尙思作賊到殘編

秋日山居

黃葉落已盡蕭然羣壑閒秋清難著畫人靜最宜
山谷鳥久相識嶺雲時獨還石橋應不遠倚杖聽

潺湲

裘琨鳴

受業魯 璵校訂

張聯珠

青芙蓉閣詩鈔卷一

青芙蓉閣詩鈔卷二

桐鄉 陸元鋌 三石

北上感舊三首

大雪莽莽塞巖洞三日無人踏荒凍宵來雪止風
更寒雞聲催客尊疊乾酒酣上馬慘不懌忽憶前
年別今夕碧天溶溶月華白

前年我上燕山行病婦夜起剛四更闔門送我語
無力但道君行慎眠食黃泉白日路已歧昔時但
悲遠別離吁嗟遠別見有期

弄兒牀前看婦織向來歡樂不再得馬鳴蕭蕭作

惡裝回頭卻視兒女行好顏遣去直莫泣白髮中
庭尚延立慎勿使見雙淚溼

舟發潞河

一櫂入濃綠風楊生暮寒偶聽柔艣響已作故鄉
看歲稔人烟集波平客夢安稻魚隨處足旅食爲
加餐

臨清

清淵舊壤故依然繫櫂河濬欲暮天正好桑麻三
月後爲談兵火十年前蟲沙劫小仍安堵刀犢風
殊惡改絃鞭撻無多馴擾易從來考牧仗羣賢

東昌弔鐵尚書

北來老燕不可當
饕風覘過人馬僵
天留鐵漢屹不動
全齊倚此爲金湯
奇謀咄咄破天械
開門爭望黃旗拜
電光一掣石怒飛
少緩生王頭已碎
礮聲轟天天爲顛
殺氣上薄無堅城
赫然一紙破空出
高皇帝在誰敢撓
引軍北去魄已褫
兩日猶煩兵再舉
五十萬衆一戰休
九江小兒真腐鼠

守牆

一牆不數里一閉或數日
甫聞篙艣喧前望又路絕
嚴如壁壘森竦若屏障
列一夫怒當關飛馬不

能越我無萬斛舟雜坐苦煩渴早涼得佳眠杲杲
日又出土爰而下蒸如釜氣蓬勃牖吏河上來酒
氣雜噴沫款關沸衆囂欲語遭嗔喝云乍火符下
糧艘來一一此水不直錢我官身上血涓滴苟不
慎安望軀命活側聞五湖間烟波儘空濶君如愛
游行扁舟任出沒我初聞誚讓氣盛不可遏繼復
思此言於理亦未失漕運關倉儲帆檣去宜疾啟
閉利轉輸吏實司厨鑪我行無定程何用健如鶻
委心任去留通塞本難必尚有未歸人九衢方觸

熱

南池杜少陵祠二首

戎馬蒼黃日關河阻絕時長哀騏驎病莫救鳳凰
飢每飯見忠愛無家愁別離許身同稷契何以濟
艱危

殷浩設兵誤匡衡抗疏頻曾言交有道可惜世無
人僕射風流盡嘉陵涕淚新惟餘許主簿廟貌共
千春

太白酒樓歌

錦袍烏帽誰與儔仙乎仙乎來瀛洲天荒地老醉
不死酒人一臥三千秋紅塵當日偶被謫蹤跡頗

類縱橫流狂歌擊劍意不懌醉中往往輕王侯想
當昭王臺畔哭豈徒借酒澆牢愁猩猩啼烟鬼嘯
雨杞人早抱傾天憂精誠惜無白日照蝦蟆遂使
成黃虬中興之功誰第一尚幸早脫汾陽囚潯陽
水軍來夜半本爲伐叛無他謀空名自誤良有以
事由迫脅夫何尤當時此樓誰共飲孔巢父輩紛
觥籌夜郎萬里苦竄逐悔不東海偕遨遊只今飛
樓尚突兀黃河下視同浮漚憑闌高唱白也句四
壁欲動風颼颼騎鯨一去不復返誰更壘麴爲糟
邱漢江水綠作春酒欲往從之黃鶴樓

渡黃河示同行諸子

燕臺回首渺烟波客路三千半已過
尊酒相看多白髮布帆無恙又黃河
經年浪跡隨鴻鴈此去閒門掩薜蘿
一桁青山江岸近早聞隣舫起吳歌

召伯堰

向晚新城道舟移鏡裏天湖寬遲鳥路
水暖上漁烟澤國吾鄉似歸程客夢先
片帆從此去泛宅雪溪邊

梅花嶺弔史閣部

白首論兵大將壇那堪半壁倚偏安
熊羆互角當

關少猿鶴無歸報國難父老尚思宗大尹江山終
恨孔都官黃旗青蓋須臾事冠劍孤墳萬古看

吳江道中

空水不能畫輕帆風曳之朝光生竹塢涼意入菱
絲靜得鳥魚樂歸逢鮭菜時烟波此招隱甫里有
清祠

白燕庵

烏犍木笛去恩恩三泖當年作釣翁終見鰕魚歸
大海漫疑楊樹種深宮義熙歲月柴桑里皋羽交
游汝社中不早相從黃石去犁眉空自怨藏弓

耕石軒偶坐

小住得佳趣蕭然塵事賒
明漪添竹色細雨落藤花
薄暮少行跡空齋聞煮茶
永懷鄭谷口託興在烟霞

初夏坐西隱山房

谿訝一徑竹參差燒筍僧廬正
及時初地樓臺春去早
綠陰門巷雨來遲
佛香盡日留簾額
禪榻經年感鬢絲
底事三車頻問法
碧雲閒和惠休詩

烏戍雜詠十首

烏戍卽烏鎮也或云吳越王屯兵於此故稱烏戍王存元豐九域志謂之烏墩鎮南宋時

避光宗諱止曰烏鎮今仍之

十里西林一徑幽當年曾伴玉真遊生天畢竟誰

先後嗚咽三江水不流

西林爲謝靈運別墅後捨羽流居之靈運集有西林道士詩卽此

風流帝子讀書楹寂寞無人酌綠醺銅輦不歸秋

夢冷夜深蝙蝠撲空庭

梁昭明讀書園卽今密印寺

詔出懷中事可羞自甘作賊復何尤赤章縱使天

能詭惡謚終難諱隱侯

王懋野客叢談沈約謚隱侯非佳語也今烏戍西寺土地祠牌曰沈隱侯祠似

未久

黑繒幕首氣如雲錢眼思穿起戰氛快意英雄三

十六幾曾能壓射潮軍

唐乾寧二年楊行密圍嘉興錢鏐遣顧全武赴救破行密烏墩光福二寨兵

身錢縱說免嘉禾香火流傳媿若何爭及雷陽遷

客老竹枝留得淚痕多

鎮舊有丁晉公祠相傳謂嘗知嘉興免民身丁錢里人感德因祀之

涪翁真跡渺難求絳閣還開木板留不有燕邱孫

北海幾人賞識到湖州

野客叢談烏戌張仲思家有黃魯直親染髹李伯時畫玉花驄詩又湖州張氏

以絳閣二帖鍛木板於家塾謂之烏鎮帖見孫承澤閒者軒帖考

黨惡原無獻替忠睢陽廟食豈能同江淮屏蔽何

曾計不許功成郭令公

宋張循王俊有功於鎮居民立祠祀之後人以俊爲檜黨深薄之因謂之張睢

陽廟實非也

大長焉能比趙佗屯兵轉戰欲如何至今菜葉黃

時候古戍秋風鬼哭多

明初攻湖州張士誠遣兵屯城東之舊館又遣兵頓烏鎮爲舊館聲援

寓公高致寄林泉九老圖成比樂天欲向蘭臺問

者舊姓名愁說革除年

會稽潘叔瑜御史在烏墩爲九老之會萬歷中扶溝何出光撰蘭臺注聚錄以

叔瑜係革除

間任獨不載

花雨飛殘墨海乾幻居菴址也荒寒華嚴佛叔恩

恩過多事彌天釋道安

宋時晉水法師寫華嚴經於烏戍天爲雨花因建寶華閣明天啟初僧道琳乞

能書之士書華嚴經八十一卷函於閣顏曰華嚴墨海後歸於嘉興城東之幻居菴

晚抵蘇州

盡載梅花去風香不隔船酒人多望雪客路欲忘
年浦樹上初月水村生夕烟星星鐘夜度孤櫂正
無眠

焦山古鼎歌

朔風夜撼枯木堂岷濤萬里流湯湯沐日浴月百
寶出此鼎亦復騰精芒鼎高尺三寸有二流傳溯
自周宣王中興整旅盛功德爲臣作鼎詞煌煌銘
云嘉賚汝世惠錫汝束帶兼元裳用作尊鼎壽萬
世子孫永寶其無忘九十三字畧可辨餘字鑿缺
難推詳從來法物理不朽歷周秦漢銅花蒼更千
餘載及明代飛廉魂魄隨貪狼當時玉清正禮斗
局不輦致登巖廊公然竊據作彝器何異弓玉私
家藏博山鑪篆對窈裊蘇糞欲混申椒香一朝勢
盡錯莫鑄犧象千百同淪亡天教此鼎獨無恙帖

安移置崇山岡鐘魚怒吼魑魅伏永鎮禪窟無滄
桑我來捫摸復三歎以指畫肚心恟惶巧偷豪奪
竟何益食人不咽身罹殃作詩用垂饕餮戒回看
寶氣雲雷翔

大風自儀真放舟至浦口

蒼蒼涼涼日初出江豚拜浪作人立顛風怒來不
可當倏忽魚龍掀波急是時正鼓烟江舠風浪噴
薄喧嗷嘈我生窮薄固由命茲行無乃輕波濤突
如羣山卓天外霹靂飛空山破碎驀然一落千尺
強下峽已船擲梭快有時側搶兀不平旋折更借

風橫行偏師直入勁無敵不聞風聲聞水聲蹇子
擁被苦瑟縮失喜舟師笑捫腹江程三百風一帆
到岸朝食猶未熟

黃天蕩詠古

婦人在軍兵氣揚手搥金鼓聲雷礮天吳跋浪老
蛟舞鏖兵大索紅袍郎惜哉天意已厭宋一軍忠
勇成何用閩士寧非天水民忍將釜底遊魚縱驚
魂出走老鵲河四十八日功如何此時夫人亦飲
泣桃花馬上顰雙蛾西湖策蹇歸及早但願白頭
賦偕老部曲猶談娘子軍朝廷已進降王表落日

寒江繫櫂遲空攜樽酒弔荒祠江濤怒作鼓聲吼
如見紅粧揜袖時

清流關歌

雄關峩峩壁立鐵黃風怒來行徑絕飛空亂石驚
馬蹄半是當年兵死骨初從井底升盤旋偈偈仄
仄秋蛇緣天門豁達忽開霽關樓一角凌飛烟憑
高頓覺八荒隘一鳥身輕落天外邊淮山色千里
來寒翠濛濛溼衣帶一夫按劍勇當當飛鳥欲度
愁翱翔環滁屏蔽此最險令我懷古心徬徨黃袍
真人昔未帝首爲南滁畫奇計村夫子讀半部書

途本無味莫更流殘涎君家鉛山公官聲至今傳
仁澤被嘉樹白鷺巢其巔外大父淳如公曾任鉛山令查初自集中鷺巢歌卽爲公作也君
往訪遺蹟祖德當勉旃側聞西江水終古清漣漣
廉吏而可爲莫賦歸來篇

夷門

落日抱關者餘生何所求報恩憑一劍此老竟千
秋緩急誰堪倚屠沽亦可謀信陵能養士風義並
山邱

汴故宫詠古二首

王業偏安局已成蝦蟆還未盡殘更宮車莫下青

書卷之二
城淚尚有僉名謝道清

御鑪無復內香燒消息臨安久寂寥不必冬青悲
異日七陵松柏已蕭蕭

陳留弔蔡中郎

惡草青青台翦鋤偶因動色及無辜幽囚未肯寬
司馬直筆何堪失董狐可惜焚餘連玉殞更誰爨
下識桐枯遺書不有生還女十吏傳鈔記得無

天書行

五鬼嘻嘻弄國柄正者爲邪邪者正天書下降承
天門聖祖聖母號司命天何言哉豈有書龍圖持

論良非疎惜哉子明亦賢者尊酒但解同妻孥野
雕山鹿世豈少獻瑞紛紛工頌禱可憐惟一老林
逋垂死不留封禪橐左道相承釀禍梯數傳覆轍
痛顛隳洞霄寶籙雲烟散五國城中帝鬼啼

湯陰弔岳忠武

此亦中原地南遷不復存重泉猶飲泣故里忍歸
魂絕塞無君父荒祠有子孫懸知家祭日慟哭暮
雲昏

隗順祠

順爲獄吏岳忠武被難後
順收遺骨葬於北山之麓

東窓片紙出神姦毒手寧容虎復還親見大星沈

黑獄獨攜新鬼哭青山中原已盡英雄氣小吏無
慙異代顏應與施全同廟食怒隨箕尾撼天關

嵇侍中祠二首

烈烈南風起磨牙舞髑髏遂成攘奪禍難免播遷
憂伏輦心何壯捐軀志未酬翻嫌養生者一死爲
私讐

不省黔黎餓焉知鋒鏑傷如何衣上血解痛侍中
亡庸主誠能格英魂死亦彊至今湯陰澤祠樹鬱
蒼蒼

銅雀妓

前席遂成魚水契，銜枚疾走千貔貅。一劍欲斷河
梁流，不死健將死健馬。大旗日落風颼颼，淮南從
此失屏障。鶻入鴉羣復誰抗，東海鯉魚怒欲飛。割
地稱臣氣已喪，只今關勢猶岌嶷。鈴聲替戛馳征
輅，古云在德不在險。時清況已烽烟銷，我來小憩
團茅屋。老僧爲剔殘碑讀，猶道天陰雨溼時。戰地
還聞鬼夜哭，孤寡欺人豈有天傷心。又及靖康年
燕雲棄，後中原失南渡江山亦可憐。

八公山二首

斧鑕餘生縱幸全，如何雞犬亦升天。憑高試望琅

瑯水聞道孫恩也作仙

絳雪黃芽豈有靈浪傳丹鼎得延齡何如種豆南

山下乳法猶堪補食經

世傳豆腐始於淮南王

朱仙鎮謁岳忠武廟

黃龍痛飲樂如何百戰兵威震兩河豈意前軍方
破敵忽教勁旅盡回戈功名未許成諸將家國終
應怨九哥萬里長城從此棄香盆忍聽哭聲多

憫旱四首

恒暘已五月猶放十分晴
叢樹作秋色驚沙如雨
聲齋心禱繁露流涕問蒼生
去歲況無雪蝗蝻恐

復萌

骨月誰能棄嗷嗷鴈聚沙尚留心未死忍作別無
家燈暗窺殘鼠池荒噪渴蛙向來豐歲樂何苦太
紛奢

涕淚向空巷殘黎骨僅存散來千斛米招得幾家
魂中飽先防弊嚴懲莫示恩不聞胥吏輩典鬻到
兒孫

白髮吾親老憂勞集此時無眠聽野哭同患恤民
瘼未忍謀梁肉何妨爨屨屨不因升斗祿兒女亦
啼飢

送施喜亭

福元

之官江右

喜亭我表兄不見已兩年朝來片雲度忽下飛鳧
仙歡言酌尊酒銀燭深宵然覩縷述往事餘意猶
纏綿昔君美風貌擲果盈車前作詩艷溫李往往
手一編旋悔其少作浣筆清泠泉一遊京洛里再
泛蓬萊船鬱爲凌雲氣作賦聲淵淵蘭臺日給札
東閣羣稱賢君今官茂宰名譽尤宜全百里地偏
小隻手萬命懸氣盛固獲戾神疲亦貽愆交親及
僮僕慎勿侵微權操縱苟失守肘腋俱被牽如舵
不把握安能免覆顛君有丈夫子仍使忍粥餽宦

一曲清歌繞畫梁餘情空戀美人妝望陵歸去春
無賴又倚熏籠換好香

邯鄲道中

回首叢臺落照涼極天烟靄鬱蒼蒼古來燕趙多
奇士此去風雲接太行間道何年歸白壁遊仙有
客夢黃梁因人碌碌渾閒事一笑邯鄲挾瑟倡

盧生祠二首

慾界無端異境開夢因涉想度南槐塵根若早能
除淨此境如何入夢來

萬卷丹經嚙語多壺中歲月竟如何玉棺不少王

喬骨欲爲神仙作輓歌

曉過沙河

十里龍岡道濛濛蒼曉霏凍雲偎樹宿晴雪挾沙
飛亂水時驚夢初陽不暖衣磬山前路近暫此息
塵鞿

邢臺

落日榆關路衝寒客騎勞地沿邢國舊山入太行
高沙影立空壁風聲奔怒濤惱人村店女猶撥紫
檀槽

述懷四首

上水輕舟欲渡難得過已歷幾重灘蕭寥華鬢緇
塵老涕淚青衫盡篋看敢以才幹矜獨誦須知居
易是長安含香隨例趨蘭省報稱休孤本分官
大父恩深記昔時瓦燈教讀冷絲絲曾言破硯留
他日能誦遺經是此兒回首不禁雙淚落得官翻
痛廿年遲一坏况未牛眠卜風雨松楸感故枝
遠憶高堂白髮新一官仍滯大河濱微名成晚猶
憐我清俸分多更累親入夢幾回驚老瘦息肩何
日替艱辛平生志不圖溫飽話到庭闈亦患貧
吳下曾傳小比肩依依雙燕綠窗前死猶待別遲

三月

戊戌五月報罷回南
越三月卽賦悼亡

生與棲貧計六年蠟炬尙餘

心未燼鰥魚長是夜無眠營齋營奠終何補況少
微之十萬錢

西苑校書寓澄懷園二首

天與讀書福能消官裏閒吟依温室樹坐共列仙
班荷氣雨餘出鷗羣烟際還卷簾挹朝爽恰喜對

西山

畫裏懷耆舊

蔡葛山相國有
澄懷八友圖

園林景未忘水風涼到枕

竹樹靜聞香樓迴月終夜窻虛雲滿牀蓬萊欣乍
到魚鳥共徜徉

集宋儀部

鳴琦

寓齋分賦十國春秋得後蜀

江山信美是成都白鵲黃龍定霸初兩袋竊來餘
力少六經刊盡治功疎虛聞羽扇揮名士特勅金
錢賜校書一自朝天行萬里鴛衾殘夢恨何如

偶得二首

長慶吟成老嫗知性靈妙不累清詞如何駱馬楊
枝外花鵝梨柑盡入詩

唐音宋調各爭雄誰掣鯨魚碧海中偏是口頭禪
易學誤他多少應聲蟲

覺生寺大鐘

華嚴闢香界百八鐘魚鏗紀年自永樂道衍司其
成虬紋外拏攫豕腹中彭亨蒲牢怒耽耽簨簴橫
庚庚想當太乙視百鍊烟純青范成試一叩九地
蛟龍驚其上字斑駁諸品彌陀經是誰爲此弄楷
法傳華亭

上刻彌陀法華諸品經
相傳爲華亭沈度筆

緬昔孺子王仁孝由天

生徙封且不忍忍負殺叔名發難固有自操戈太
無情株連盡十族何異咸陽阮寧馨胖和尚惡相
尤猙獰殺人了無怖血染袈裟腥裒功建梵宇俸
錢及千僧哀哉一老佛御馬何時迎大錯已莫鑄
子孫代變更此鐘亦遷徙初地聲鏗鉤白虎臨帝

里誰復妖言興遂令鳧氏器僵臥喑無聲

萬歷間移鐘於西直

門外萬壽寺天啟中有言寺在帝里白虎分不宜鳴鐘遂臥鐘於地

末運厄陽九蛾賊紛縱橫

得無瓜蔓戮積怒干天庭風輪一旋轉墮地爲刀

兵天日旣不照佛力將安憑方今盛文治璧水羅

羣英於論復於樂雅奏諧韶謏人天大歡喜正覺

開化城此鐘更移置得氣生光晶鯨桴六時叩厥

聲和且平我媿無健筆萬石撞寸莛用補景物畧

作詩歌

帝京

天下大師墓

金川門啟劫灰殘誰見蒼黃出水關無復均房書
帝在浪傳島可作僧還操戈已翦同枝盡飛錫寧
容老衲閒不信鼓塗成禮後又留瓶盃葬空山

文信國琴

琴藏閩中何氏上刻信國詩後題云景泰元年蒙恩遣問召入宿青原寺感懷之作

七條瘦玉聲泠泠不聞琴聲聞哭聲天教正氣不
終絕枯桐半截猶鏗鏗昔公少年膽如鐵東堂射
策驚羣英惜丁厄運領戎幕隻手莫挽東南傾平
時聲伎散且盡義旗四出刀鎗鳴織綾老婢亦流
落銀甲誰與調秦箏想當孤航赴國難身無襮破
哀零丁龍髯墮海慘不返故鄉夢斷蝦蟆更死聲

入琴琴亦裂爾時海水寧移情紅羊劫換復轉徙
幽囚數載容顏類百年養士以死報要令末造尊
科名如公之死已早決黃冠豈屑全其生恐公不
死爲生祭爰午亦未明精誠此琴尚記被名日永
嘉旅夜風淒清自從廣陵散歇絕壞漆慘澹隨飄
零摩挲舊物不忍鼓玉帶生硯同留銘西臺尚有
竹如意裂石聲聞天亦驚

鄺湛若洗硯池字拓本

粵東光孝寺有鄺露洗硯池三字隸書石刻翁覃溪學士使粵

拓其字以歸與明福硯銘合裝成軸硯藏王蘭泉司冠家銘曰天風吹夜泉

神龍衙衙攫雲穴黑浪翻空石怒裂是誰沃墨此

深淵云有奇人字海雪海雪奇人工六書厥體扶
石奔泉如閒攜石友浴雲水雲取水取入不濡松
風謾謾倒吹幘更索琳腴傾墨汁大書湛若洗硯
池石壁至今字猶溼當時少年意氣豪毛錐子在
非吾曹醉騎怒馬向天外鬼門月黑風蕭騷奮筆
一笑飛霹靂萬怪爭從筆端出硯乎此時亦吐奇
鵲眼一雙光暈漆相從更有南風琴斷紋斑駁神
情惜有時臨池興不發泠泠忽作瀟湘音惜哉厄
運丁陽九力戰孤城不能守臣心匪石耿難移一
死猶餘膽如斗只今人去池亦空春流一掬光溶

溶覃溪學士僻嗜古三日坐對青芙蓉揚來一紙
重千緡更拓銘詞明福硯此硯珍同玉帶生聲銅
色鐵惜未見淚滴蟾蜍空自傷女蘿山鬼渺難望
天風吹度夜泉響環珮還歸雲韞娘

湛若雷爲甥女
雲韞娘書記

讀五代詩雜題其後十六首

汴隄長繫使君驂集號唐風亦可慙何似江東羅
給事粉盤只勸殺朱三

杜荀鶴

鼠竄紛紛國不支爭持璽紱獻嫌遲舊臣誰似楊

風子史筆無忘泣諫時

楊凝式

浮沈宦海不知年佳傳惟應手自編若使此爲苦

薩行褚淵沈約盡生天

王荆公雅愛道謂如佛菩薩行馮道

香奩枉自費清詞名嫁冬郎艷一時偏忘詒癡符

醜惡編成曲子相公詩

和凝

水決西江欲洗難八君三姓儼朝端尚嫌輸與馮

長樂未得滄桑五代看

王仁裕

碧波亭子夜開樽使節頻持亦主恩不肯葫蘆依

樣畫白頭猶願掃王門

穀使浙獻詩於錢似云此生頭已白無路掃王門陶穀

顧命恩深記昔時新朝冠劍列台司諸郎解與殷

勤語忘却周家七歲兒

寄語謝諸郎躁進徒爲爾賢誠兒姪詩也范質

歌板閒消病酒懷泥人劉韞步香階翰林風月能

如此臥榻留眠也自佳

南唐後主李煜

綺歲能文未易才風流頓盡亦堪哀茂陵玉盃人

間出翻幸初明未見來

徐鉉

紅羅宮監散如雲金屑檀槽更不聞誰向念家山

破後杏花寒食弔荒墳

張佖

訪道天台數載成綿綿龜息聽無聲如何身跨驕

龍杖只向鶯花世界行

杜光庭

苦求民瘼切肌膚送別猶令萬淚枯比似江南更

無罪幾曾治國少工夫

蜀後主孟昶

杜鵑聲裏出重關萬里朝天不復還細燕沈檀熏

畫像夢魂猶繞蜀王山

花蕊夫人

底須未嫁惜雲英措大詩篇海內傾白馬驛中冤

鬼哭誤入金榜得題名

羅隱

忠愛何曾一飯忘金鑾話舊亦淒涼可憐身後搜

塵篋殘燭猶遺淚萬行

韓偓

五代文章大可嗤亞栖書法貫休詩無多深雪前

村句膜拜還須一字師

齊己

楊忠烈公血影石

豈有貪贓楊大洪借刀何事砍東風

公絕筆書云刀砍東風於我何有哉

已拌碧血千年化竟使清流一網空仰藥肯因恭

顯死殞身甘與俊厨同不教幻相畱終古正氣猶

堪貫白虹

石已燬於火

得朱明經

珏

歿於臺灣之信以詩弔之

黑風吹墮書一紙嗚呼我友竟死矣嗟君文奇死
亦奇窮海孤魂招不起憶昔與君初結交君才兀
昇虎怒燒初生黃犢竊比我得君意氣尤雄豪中
間飢驅各鄉縣二十年無三四見我今四十已二
毛知君更異昔時面前年有客來故鄉述君蹤跡
頗具詳妻亡子死家立壁拌將九死游南荒紅毛
赤嵌莽庠豁白日魚龍恣騰跋蟒甲爭飛仗亞班

鯤身突下飄羅刹妖氛況復纏弋鋌鴨母已死灰

重然波濤怒湧颺颺惡健兒十萬馳樓船君時袴

褶趨戎幄盾鼻磨殘血書牘虎帳酣傾死士頭戟

林穩臥尸陀肉經年金底誅游魂飛將一一驚如

神百夫長亦贖上賞書生窮薄仍依人興來載酒

弔荒壘牛肉無端喪子美

君嗜牛肉疽發於背而殞

海天萬里鳥不

飛不見歸人何論鬼前塵根觸雙淚彈刀瘢記向

燈前看

君爲仇人刺刃腹中得不死

君言不死乃幸耳行當荷鍤埋

青山豈知賦命更奇咤不使才人死牖下戰場新

鬼與作隣目想聞天爲夢怕君詩豪邁見者傾酒

腸往往芒角生文章無靈亦無壽寶氣乃被蛟龍

爭

君有海外集沉於水

詩名萬口傳如故零落殘編索何處好

學羣推揚子雲遺書莫忘朱遵度

君少作遺稿存於君壻楊孝廉漢處

平遠山房席上詠唐花

火急催開亦可憐未花時節已嫣然爭妍不惜因人熱怯冷終嫌得氣先剛好試燈消豔福最宜閑閣伴幽眠馬塍十里春如錦記上西湖載酒船

讀明史十首

偏顧不易爨端萌欲徙强藩禍竟成大難已從鼉錯起朔方不遣令公行祇聞燕啄營新壘豈有烏

朝感舊京至竟讀書眞種在莫將誤國咎書生
統幕烽烟逼紫荆鑾輿何事復巡行直將陛下爲
孤注誰遣刑餘典重兵奇貨不教畱鄭伯老謀幸
已決飴甥金繒若早持和議可許生還五國城
南內蒼黃夜奪門衆星竟動羽林軍亦知叔武難
爲弟卻忘孫申預立君功本貪天眞鹿鹿讒能縻
骨太狴狴沈檀鑄像招殘魄猶爲元凶錄舊勲
大同宣府輦塵開小袴微行亦快哉武帝旌旗親
教戰穆王雨雪尙登臺幾忘鷹犬隣羣盜別戀笙
歌醉百回太息烏號中夜墮哀音還自豹房來

金符迎立序天潢聚訟紛紛動帝閭承統議難援
濮國稱宗禮竟厚共王拂衣上相書寧誤折檻諸
臣論太剛可笑老姦工附會配天還請祀明堂
紫府神霄御氣清醮壇鐘鼓徹深更幾曾方士誅
樂大翻以魔君重蔡京害馬未除終誤國盧龍已
賣尙論兵不知六甲書來日可使邊關息戰爭
閨範書成已不經披猖敢復犯前星漢高豈必私
如意良娣終思殺建寧信有禍機由肘腋自來國
事誤調停最憐朋黨從茲盛門戶憂偏起掖庭
九轉神丹豈易逢深宵遽墮鼎湖弓梟心縱不由

長樂牛腹焉能貸少翁不究罪人詞恐漏欲成黨
禍案翻空未曾世子親嘗藥斧鉞難逃信史中

天子何容託婦人怒撓虎豹撼天門覬覦敢倚先
朝寵調護猶全異母恩呂雉不教重肆虐宋娥無

奈又稱尊

謂客氏

女戎禍更連閹寺黑獄難招九地魂

宦者星明國步顛紛紛官爵出西園老奴那有張
承業保母爭推陸令萱要典三朝騰謗史清流一
網痛沉冤顧廚傾盡黃巾起鉤黨從來是亂源

雨後集魏比部

成憲

寓齋

雲意入簾靜風香吹袂低微陰宜讀畫漫與不分

題勸醉千觴盡畱歡半日稽放晴歸正好潑黛數
峯西

孫竹

受業董希仲校訂

劉時範

青芙蓉閣詩鈔卷二